



Sé Nwèl, Bondyé ka kriyé nou !



Fèt yo fèt, timoun a krèch la ja ka ralé koté a yo sé pli maléré la kon sé pli grangrèk la. Sé dabòpouyon bèwjé ki tann gras a vwa a zanj, lapèl pou ay Bétlém.
« Annou vwè sa ki rivé ». Apré yo, sé ké maj ki ké tann pa zétwal a syèl la, apèl-la pou pran chimen : « Annou ay gloriyé wa a juif ».

An tan a Nwèl lasa, sé bèwjé la é sé maj la ja la adan sé krèch la ki ka anbéli légliz an nou é kaz an nou mé, yo pa tousèl. Kòm difèt, syèk apré syèk, dèt pèsonaj (santon : ti sen) vin jwenn yo adan on bèl bèl migannaj : timoun, granmoun, jennmoun, vyémoun, sélibatè, moun mayé, byen pòtan kon malad..... Yotout diféran mé yotout trapé menm apèl la « Annou gloriyé Bondyé dawwa gason a'y vini ! »

Talè, sé nonm lasa, sé fanm lasa, sé timoun lasa ké rantré akaz a yo avè lanvi tout vi a yo pwoklamé Grandè a Bondyé. Dépisa, yo ké nòz chèché é rèkonnèt kijan vi a yo, menm andidan koté pi òdinè a'y, pé vin répons a apèl lasa. An siyaj a yo, avè pal é fòs a Lèsprisen, annou lésé

pawòl a Kris chanjé nou, moulé nou, pawòl a Kris ki ka mandé nou rèsèvwa'y é ay bay nouvèl : Bondyé vin moun !

Pou chak fanmi, chak pawas, tann apèl lasa, annou maché dèyè sé bèwjé la é sé maj la, alantou krèch la. Annou rèsèvwa, ansanm ansanm, lanmou san fen a Bondyé kè nou ka vwè adan frajilité a on timoun. Annou mandé'y, avè kwayandiz é lèspérans, pou chakmoun trapé gras é jwa a tann apèl a Bondyé, pou fè konnèt lanmou a'y ki ja ka fè nou viv.

**Alòs, zòchak, fanmi an nou,
kominoté krétyèn an nou,
an ka swété zòt on bon bon Nwèl.**

† Paskal Delannoy
Lévèk Sendèni-an-Frans
Nwèl 2019